


**CONSELLERÍA DE AGRICULTURA, GANDERÍA E MONTES****Xurado Provincial de Montes Veciñais en Man Común**

Edificio Administrativo de Servicios Múltiples - Monelos - A CORUÑA - Tfns. 18 59 02 - 18 59 03



Aos efectos oportunos comunícolle a resolución do expediente nº 328 de calificación do monte "De Insua", do lugar de Insua, parroquia de Mazaricos, concello de Mazaricos, segundo o acordo deste Xurado na súa reunión de data 20 de xuño de 1997:

"Reunido na data 20 de xuño de 1997 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu Núñez, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común e do Secretario D. Manuel Puente Araújo, Letrado da citada Delegación, para estudar e resolve-lo

Expediente nº 328
Monte: De Insua
Lugar: Insua
Parroquia: Mazaricos
Concello: Mazaricos

ANTECEDENTES DE FEITO

1º. Diversos veciños do lugar de Insua, parroquia de Mazaricos, concello de Mazaricos, solicitaron con data 06/03/1995 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 19 Ha.
Lindeiros:



CONSELLERÍA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfnos. 18 59 02 - 18 59 03

É parte do monte "Aro" nº 103-B do C.U.P.

NORTE: Monte de la comunidad de Serráns, por unha liña trazada desde o piquete nº 53 ata a Pedra da Leira, a uns 200 m. ó norte do piquete nº 34 e na liña do deslinde. LESTE: Monte público Pedroso, Val, Sixto e outros, da parroquia de Chacín, desde a Pedra da Leira ata o piquete nº 34, e seguindo a orde de piquetes ata o nº 37. SUR: Monte comunal do lugar de Val, desde o piquete nº 37 ata o 41 seguindo a orde de piquetes. OESTE: Propiedades particulares do lugar de Insua, desde o piquete nº 41 ata o 53 seguindo a orde de piquetes.

2º. A vista de tal solicitude, o Xurado, na súa reunión de 23/05/1995, acordou inicia-lo oportuno expediente nomeándose como Instructor do mesmo a D. Federico Sánchez Rodríguez, quen aceptou expresamente dito cargo. Procedéuse á correspondente tramitación, librándose mandamento para a anotación preventiva no Rexistro da Propiedade de Muros, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Mazaricos, ao Xefe do Servicio de Montes e I.F. e publicándose edictos no D.O.G. (nº 5 de 08/01/1996), taboleiro de anuncios do Concello e lugares de costume.

Debido a producirse un relevo na Xefatura do Servicio de Montes, o Xurado, na súa reunión de data 13/06/1997, acordou nomear como novo instructor a D. Andrés López-Suevos Fernández, que tamén aceptou o cargo.

3º. Os veciños de Insua fundamentan a súa petición perante o Xurado Provincial de Montes Veciñais en Man Común na orixe foral de dito monte, e no seu aproveitamento desde tempos inmemoriais de forma consuetudinaria en réxime de comunidade sin asinación de cotas, segundo os usos e costumes. Presentan copia de escrituras antigas das que se deduce a existencia de tal monte veciñal.

4º. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89 de 10 de outubro de Montes Veciñais en Man Común, e o seu Regulamento de aplicación aprobado polo Decreto 260/92 de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO

1º. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos arts. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

2º. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Insua, parroquia de Mazaricos, concello de Mazaricos, son parte lexítima para solicita-la iniciación do presente expediente.

3º. Para a súa calificación como veciñal en man común o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asinación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (arts. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, dedúcese que no presente caso nos encontramos cun monte pertencente á Comunidade Veciñal de Insua, parroquia de Mazaricos, no que se cumpren os aludidos requisitos.

Por iso, éste Xurado, á vista dos antecedentes e fundamentos de dereito expostos, nesta data,

ACORDA calificar como Monte Veciñal en Man Común da Comunidade Veciñal do lugar de Insua, parroquia de Mazaricos, concello de Mazaricos, o denominado Monte "De Insua", cos lindeiros, superficie e características que figuran no primeiro antecedente. Asimesmo, acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña".



CONSELLERIA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfnos. 18 59 02 - 18 59 03

Contra a presente Resolución poderase interpoñer Recurso Contencioso-Administrativo no prazo de DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de Procedemento Administrativo.


A Coruña, 20 de xuño de 1997


Vº e Pr.
O PRESIDENTE DO XURADO,

Asdo. Rogelio Aramburu Núñez

O SECRETARIO DO XURADO,

Asdo. Manuel Puente Araújo





DESLINDE TOTAL DEL MONTE
"ARO"

Nº 103-B DEL CATALOGO DE UP
PARROQUIA DE SAN JUAN DE MAZARICOS
AYUNTAMIENTO DE MAZARICOS

ESCALA 1:5000

CABIDA TOTAL	167,46 Ha
CABIDA ENCLAVADOS	10,01 Ha
CABIDA PÚBLICA	157,45 Ha

CABIDA ENCLAVADOS	
ENCLAVADO A	0,47 Ha
ENCLAVADO B	0,38 Ha
ENCLAVADO C	5,18 Ha
ENCLAVADO D1	3,03 Ha
ENCLAVADO D2	0,95 Ha

MONTE ARO Nº 103-B DO C.U.P. CONCELLO DE MAZARICOS CUADRO DE SUPERFICIES (Has)					
PERTENENCIA	ELENCO	Sup. Total	Sup. Enclavados	Sup. Habitabilidad	Sup. Cultivos
ABELEIRAS	C-21263	7,25	25,48	3,98	21,50
PARCELA LAGO					0,00
CONCELLO	C-2126	5,00	33,48	5,10	28,38
CANAL ENCLAVADO					0,00
LEGUNA	C-21262	25,40	12,80	12,80	0,00
SERRANS	C-21261	38,05	0,85	0,85	37,20
INSULAS	C-21261	22,00			22,00
TOTAL		167,46	10,01	37,70	99,75

Datos: Julio de 2003

MONTE "ARO"
AYUNTAMIENTO DE MAZARICOS

LA CORUÑA, ENERO DE 1962
EL INGENIERO OPERADOR

NOTA: Los números entre Paréntesis corresponden al Apdo del Monte Santa Marina Nº 103 L del C.U.P.